

欽定剿平三省邪匪方略

百零九名當於獲犯內查出僞先鋒廖恒僞總  
兵季振鵬大旗手高均良徐添德之妻徐李氏  
樊人傑之妻樊張氏僞元帥何思學之妻何黃  
氏獲其騾馬三百二十餘頭匹刀矛衣物尤多  
卽有餘匪竄出毘河舖山埡又經馬瑜等率步  
兵迎剿該逆見兩路俱有官兵倏分兩股一股  
向楮河一股由爛草灣遁逃惟爛草灣一帶亦

係老林馬不能前隨令副將李應貴叅將馬濟  
遊擊馬元何君佐揚森帶領步隊緊躡賊蹤趁  
勢追擊旋據報稱在後槽子趕上賊匪殺斃三  
十餘名擒獲李如相等五十三名訊出偽總兵  
李光武卽李五掌櫃一名該逆等敗竄又被沿  
途洞寨花由弩箭射殺賊十數名馬騾亦被搶  
奪甚多只餘賊衆七八百人馬騾二三十匹頭

連夜日雨向東逃竄十四日

臣帶兵出楮河程

至火石梁追殺賊八十餘名生擒郭起榮等四

十餘名餘賊向羅鎮壩竄走司上與爛草灣竄

出之賊先後由黃柏廠乾河壩東竄亦係老箐

馬力難施之路

臣

復派步兵緊躡惟賊衆連日

被我兵分追衝殺分頭亂逃因近來西鄉洞寨

辦理極爲嚴緊而百姓奮興鼓舞咸願剿賊圖

功

臣

經過地方親見各處截殺均已面加獎賞

並傳行各洞寨漢苗等互相協力搜捕盤查如有擒獲首逆者遵照

諭旨賞給銀兩

賜予官職苗民無不知感知奮

臣

卽分馬隊取道斯

家垵乾溝河抄截十八日我兵行至高川探報

木竹壩地方現有賊匪滋擾恐首逆分竄當卽

督率後隊將備馳赴明陽關進剿立殺賊百餘  
名生擒胡貴等六十三名訊係樊逆敗匪並稱  
徐逆已由天池埡東逃其餘賊向紅廟十二嶺  
竄逸賽冲阿等業已跟蹤趕剿臣遂由雙廟子  
直取漢陽坪遏其北折所獲僞先鋒廖恒李光  
武等均正法外其餘獲犯隨時訊明分別辦理  
其徐李氏樊張氏訊係應行緣坐之犯俟徐樊

二逆就擒以備質訊其何黃氏訊係被脅難婦  
卽就近交石泉縣遞回原籍交親屬收領至慶  
成報稱原係帶兵截剿東折之賊十六日據報  
後路夫子關忽有賊匪一股北竄老魚壩有窺  
伺江岸之勢因江水雖漲淺灘仍可跣渡慶成  
是夜帶兵趕回賊向茶鎮前奔慶成自帶馬隊  
抄出賊前斃賊數十名賊卽南奔入山亦因馬

不能進當令遊擊張汝勤等帶步隊兵勇追殺  
賊匪遁入黑溝藏匿慶成帶兵勇露處扼要嚴  
堵夜間風雨交作殘匪百餘潛向東遁慶成復  
冒雨分路力追並先令遊擊吳亨衍等帶兵抄  
截三路併力剿殺沿途又擒斬一百餘賊餘匪  
不過四五十人散逃老林潛向東南竄遁惟都  
司酒大培追賊深入林箐猝不及防致被矛傷



陣亡

臣

查徐樊二逆合併七八千之衆竄逃老

林日行五六十里至百七八十里不等叠經痛

剿賊勢已形瓦解或數十人或百餘人零星逃

散恐徐樊二逆混在其中又如從前之王登廷

張子聰等假扮難民乞丐計圖漏網均未可定

此時搜捕實爲目前要著慶成於此一帶人地

熟諳洞寨民苗亦極悅服愛戴

臣

卽令其帶領

兵勇督同總兵胡定泰趕緊嚴密搜捕鼓勵洞  
寨民苗團勇隨時細心盤詰務期將逃散賊匪  
搜捕淨盡查徐樊二逆現剩賊匪只有三四百  
人頃據探報又與西鄉南來不知姓名一股零  
星賊匪合夥統計亦不過六七百人向紫陽紅  
椿壩東逃臣仍卽督兵緊追經畧額勒登保現  
在安康平利地方臣亦已詳晰函致更可并力

剿洗奏入

上命軍機大臣傳諭德楞泰曰此次德楞泰督率官兵緊剿徐樊二逆殲擒賊匪八九百名將徐樊二逆之妻孥獲實屬奮勇可嘉之至慶成扼要嚴堵使賊匪不能躡淺渡江亦屬出力現在賊匪不過三四百人情形實已窮蹙著先賞給德楞泰玉搬指玉帶版大小荷包並發去玉搬指五件翎管鼻

烟壺各十件分賞此次出力將弁以示獎勵至徐  
樊二逆若祇係單身逃竄轉易混跡潛藏今據探  
稱與西鄉南來不知姓名一股零星賊匪合夥無  
難跟蹤搜拏德楞泰等務當倍加奮勉俟徐樊二  
逆及同夥餘黨剿洗淨盡後德楞泰再幫同額勒  
登保專剿冉學勝一股兩路勝兵辦此殘敗股匪  
定可迅速掃蕩至所稱西鄉洞寨極爲嚴緊百姓

奮興鼓舞咸願剿賊圖功實爲極好機會惟所稱  
洞寨花苗弩箭殺賊十數人等語陝省地方從無  
苗寨年來亦從未見陝省軍營奏報有花苗等幫  
助官兵殺賊者此等花苗究在何處爲數若干並  
著德楞泰查明遇便覆奏此等助順苗民深堪嘉  
獎德楞泰業經隨時獎賞外並著通行宣諭如能  
將徐添德冉學勝樊人傑等獲者無論兵勇民苗

均照前次諭旨賞資銀兩給予官職俾各知感奮  
爭先速擒渠逆至所獲徐樊二逆之妻李氏張氏  
均應緣坐之犯德楞泰俟徐樊二逆就擒以備質  
訊自當如此辦理至殺賊陣亡之都司酒天培著  
咨部賜卹

同日長麟奏言臣恐高二餘匪仍思折竄回陝

且值連日大雨卽在寧羌境內停紮二日嗣因

探知該匪已由廣元竄往蒼溪一帶距陝已遠  
當卽帶兵自寧羌沔縣一路於十六日行抵漢

中因

臣

自正月帶兵入山剿賊數月以來奔走

深山老林之中並無片刻停歇官兵無處製辦  
衣履大半尙著棉衣現當炎暑必須製備更換  
是以卽在漢中暫紮一二日以便趕辦一面偵  
探各路賊蹤相機辦理先後據報各股賊匪現

在西鄉紫陽一帶奔竄西面已無賊匪臣卽於

十九日起營正向城洋一帶馳赴東路探剿另

股賊匪間途次接准額勒登保來信囑令臣分

兵派交總兵蕭福祿帶領入川追剿高二餘匪

等因同日又欽奉

諭旨臣跪讀之下慙悚愧懼查臣所帶兵勇原有六

千餘名除受傷陣亡患病及落後革退外尙有



五千餘名但半係新兵且係零星湊集難稱勁  
旅至帶兵將備除節次打仗傷亡及參革外現  
在帶兵可靠者亦不過三四人今令蕭福祿入  
川剿賊雖係派追高二餘匪但軍情難以預定  
倘遇別股賊匪亦斷無置而不剿之理是兵勇  
太單卽蕭福祿帶領亦恐其必不能得力若全  
數點交蕭福祿現在南鄭黃官嶺銅廠等處逼

近漢中並無兵備未免空虛適接額勒登保來  
信囑令撥兵防堵亦須酌留兵勇千餘名以顧

西面

臣

當於現帶兵勇中擇其尙覺精壯者四

千名點交蕭福祿管領酌留兵勇一千餘名派

交遊擊董文珍都司德克登額帶領前赴黃官

嶺銅廠等處防堵除催飭蕭福祿卽於二十日

拔營趕緊入川外

臣

暫駐漢中與撫

臣

陸有仁

商辦陝省善後事宜及地方應辦事件奏入

上命軍機大臣傳諭長麟曰長麟奏稱暫駐漢中一節此可不必陸有仁到彼辦理將及一載籌運各路糧餉皆能源源接濟極爲妥協無須長麟在彼督辦昨據額勒登保奏已札致長麟前往寧陝一帶查看安營設防等事該督自應卽赴寧陝妥辦務使官兵聲勢聯絡控制得宜屹然成一重鎮並

就近飭催穆克登布豐紳劉之仁等將江北殘敗  
賊匪及伍懷志等剋期剿淨勿任再有稽延至所  
稱蕭福祿帶領兵勇亦恐其必不能得力等語蕭  
福祿人本鹵莽且不誠實朕早已知之今長麟旣  
不帶兵始將蕭福祿不能得力實情奏出昨已降  
旨令額勒登保另派得力鎮將帶同蕭福祿赴川  
矣又聞前此由學勝股匪在陝省敗竄時本屬無

多及至入甘後靈臺秦州徽當一帶百姓被其裹脅是以人數較衆其蹂躪該處地方荼毒生靈自不待言爲民牧者亟當妥爲撫卹著長麟飭屬詳查如有尙須施恩之處卽行據實具奏

二十九日<sup>甲辰</sup>全保長齡明亮奏言查冉逆一股

節經各路官兵分投剿擊由原路北逸<sup>臣</sup>等追

剿不留餘力比至界嶺地方據報該匪分出小

隊折回吉陽關左近游奕當卽知會孫清元德  
昌等兩路總視該匪大隊所至盡力壓擊十五  
六等日各路沿途追殺及擒獲者共計九十餘  
名匪衆直奔陝境向白河屬之東西壩晏家扒  
遁臣匪全保長齡飭令德昌帶兵緊進并臣明  
亮一路均各繞出界口探知冉逆已不敢再行  
回竄始卽馳歸本境惟時落後餘匪遁入老林

晝伏夜出散在馬鞍橋捕鼓臺揭家牌樓等處  
三五十人百餘人不等總覓無兵處所逃竄

臣

明亮同孫清元德昌兩路從西北環擊

臣

全保

長齡帶領官兵由保豐北新河東南截進十七  
八等日各路搜殺零匪共有一百餘人獲騾馬  
五十餘頭匹均卽分賞出力兵勇十九日酉刻  
探得該匪又在興隆寨攢集餘黨有馬賊在前

南突滋擾經臣全保長齡帶領頭等侍衛塔津

保參將烏爾卿額等督率馬隊迎剿該匪卽折  
回北竄經我兵緊追二十餘里又殲斃賊匪四  
十餘人騾馬二十餘頭匹餘賊奔入竹谿境之  
麻河塘散逃時已昏黑當卽紮營歇息二十五  
日五鼓正在拔營前進適接派往房縣上龕一  
帶之副將樊雄楚及該縣李維本稟報川省大



寧賊匪經勒保七十五等官兵從徐家壩一帶  
剿急已由紅坪竄近上龕關至馬鹿池三道溝  
等處人數較多現在設法兜截惟兵力稍單

臣

等查三道溝出獅子崖至房縣城僅二百餘里  
東面保康南漳東南興山東湖遠安一帶均可  
竄突樊雄楚所帶江西兵雖有一千五百名不  
足深恃今二竹北面落後餘匪據經迴寨民稟

報共計不過五六百人原不值厚集兵力剿辦  
所有各路官兵未便均在西北

臣

等公同熟商

臣明亮帶同德昌所領官兵由馬鞍橋等處搜

捕二竹境內零星殘匪

臣

全保長齡當卽於二

十一日督同孫清元等所帶馬步官兵由竹山

大路趕赴房屬相賊所在迎頭截剿不使竄擾

荆襄所屬地方倘此股係大寧剿敗餘匪以楚

省勝兵攔截可冀乘勢痛擊集事若係川北大  
隊賊匪提督七十五等必緊躡前來臣等更可  
竭力逼入山南與川省官兵兩面夾擊奏入

上命軍機大臣傳諭全保長齡明亮曰據稱正在帶  
兵截剿零匪適接到樊雄楚等稟報有川省大寧  
賊匪由紅坪竄近上龕關至馬鹿池三道溝等處  
現在設法兜截等語楚境房竹一帶前經全保等

派副將朱士奉樊雄楚等分投防堵何以此時又有川省賊匪竄近上龔擾至馬鹿池等處可見前奏不實朕前以江西兵丁素非勁旅恐不能得力嗣經該撫等檄調仍將此項兵丁令其赴楚俾資堵禦乃仍令賊匪竄入豈非徒勞跋涉現在川北並無大股賊衆卽高見竒亦難遠竄入楚此必係湯思蛟劉朝選二逆乘間闖入但該處究係何人

疎防賊數究有若干川省亦有防堵之員是否有  
官兵躡蹤追擊前來現在會否攔截回川著全保  
等將一切大概情形查明速奏此時明亮由馬鞍  
橋等處搜捕二竹境內零匪自應剿洗淨盡全保  
長齡業經督同孫清元等趕赴房屬務須迎頭截  
擊就現有兵力將該處竄匪奮迅兜截至全保身  
任巡撫地方官員自應留心察看因才委任務使

人地相宜方收實效朕聞鄖陽府知府王正常從  
前辦理防堵事宜頗得民心甚爲出力乃倭什布  
輒令經理糧餉於防守地方少一得力之員現在  
楚省糧運辦理不善將來查辦王正常自不免於  
處分或至罷黜是倭什布於王正常一員棄其所  
長用其所短致有貽悞豈督撫大吏知人善任之  
道總之人才難得有辦理地方深悉民情而才非

肆應於差務不甚相宜者或熟諳軍情差委得力而經理民事未能得當者惟在督撫量才器使乃有裨益也

三十日<sub>乙巳</sub>勒保奏言查湯思致劉朝選等逆自

與楚省竄來之藍白等號合夥經官兵追剿情急湯劉等賊與白號張姓由徐家壩蕭家坡向界嶺奔逸楚境藍號王士萬李姓冉姓由一碗

泉向陝界竄去必須趕緊分兵兜截臣未便越

境遠追當派阿哈保永寧等帶兵由徐家壩追

剿湯劉等逆并白號張姓股匪七十五帶兵由

一碗泉追擊藍號之賊臣卽在川陝楚三省交

界暫紮阿哈保永寧等馳抵楚省竹谿縣屬之

香溪地方探聞核桃園一帶有賊阿哈保等於

十二日冒雨疾行申刻追及賊尾該匪等率衆



迎敵我兵鼓勇直前將執旗賊人鎗斃賊卽怯  
退我兵隨剿隨進沿途殺賊四五十名直至核  
桃園賊卽翻越大山時已昏黑又值大雨阿哈  
保等卽在核桃園暫紮鍋帳未到官兵俱係露  
處是夜雨勢愈大該處一帶兩山夾峙溪水陡  
發次日仍復大雨阿哈保等派令弁兵鄉勇分  
段跣水探路間有被水衝斃人馬斷不能跣渡

十四日雨勢稍止溪水漸消據報湯劉等逆及  
白號張姓在核桃園一帶與龍紹周股內餘匪  
合夥後又分兩股一由向家壩一路竄去一由  
蒲溪河一路遁逃阿哈保永寧等卽督兵由核  
桃園躡淺過河兜剿向家壩一路賊匪十五日  
追至竹山縣屬柳林店地方趕上賊匪阿哈保  
卽督同協領達斯呼爾岱副總管格亨德爾委

叅領依爾庚阿佐領潘太伊成額叅將蕭鳳來  
等帶領馬步官兵由右手向家壩順溝前進永  
寧督同副將張積叅將羅聲皋李錦麟等帶領  
步隊由左手山梁兜截該匪等正從對面山梁  
而來一見官兵猝不及防紛紛下溝四竄卽遇  
阿哈保馬步官兵迎來兩路追壓沿途殺賊二  
百餘名趕抵三岔河溪水甚大騎馬賊匪數百

人俱已泅渡步賊亦有是水過河者被六衝斃  
一千餘人其未及過河者又經我兵殺斃三百  
餘人生擒已有四百餘名尚有竄散餘匪正任  
沿山搜捕未得實數其生擒及淹斃殺死各匪  
內有無賊首不及查訊餘匪向馬鬃嶺紅坪一  
路竄去阿哈保等先將打仗得勝情形差人具  
報前來至七十五一路官兵由一碗泉前進探

得藍號匪衆竄至陝省平利縣屬之大渝河屯聚七十五跣得飛虎巖另有小路通大渝河之西可以得勢壓下卽派千總萬大發帶兵由小路前進虛作聲勢以期轟出溝口派令侍衛武隆阿叅將鄭啓貴都司閻俊烈羅思舉等帶兵勇先赴茅壩三斗種山後埋伏令叅將馮元帶兵接應又派遊擊李光晟沈文同都司蒲盛

楊正雄守備瞿心能等帶領兵勇伏於中心石溝口令副將張良槐帶兵接應七十五親督總管傅霖額遊擊郭本仁蕭太和都司田中桂等在大坪山後以爲兩路策應十二日賊匪因見千總萬大發之兵疑係大隊官兵追來卽由大渝河向茅壩奔竄武隆阿等伏兵突出立斃賊匪百餘人該匪等卽搶佔山包抵敵適溝內李

光晟等伏兵攔腰衝出截成兩段賊匪不能抵  
拒向陡山攀援而上官兵分路追至半山賊猶  
鎗石並發時執旗兵丁楊應宗郭成文星才向  
貴彭貴等俱身帶石傷並不畏避首先衝上與  
賊攪殺一處武隆阿李光晟閻俊烈羅思舉蒲  
佑盛等一擁直上賊匪退至山頂又復下壓七  
十五督兵接應兩路搶上短刃相接殺賊數十

名匪衆向黃栢塢奔逃沿途殺賊五百餘名滾  
巖落澗者四五百人直追至乾溝子又復殺賊  
百餘名餘匪四散逃竄統計生擒九百七十二  
名賊旗三十八桿鎗矛八百餘件轡二尊騾馬  
二百八十二頭匹訊係藍號王士萬冉添泗李  
炳爲首擒獲賊內訊有鮮奇文係屬老教稱爲  
副元帥又僞總兵艾廣雲僞先鋒張子龍探馬



頭呂下懷旗手曹麻子龍先武並於殲斃賊內  
認出僞先鋒王和尚旗手賀陀子徐學真三名  
當將鮮奇文等並戰手及從賊日久各犯一併  
分別正法其餘被擄未久之男婦邱大楷曹氏  
等五百一十七名口除就近釋放外其餘三百  
零四名解交大寧縣分別遞籍安插七十五因  
餘匪向陝省平利楚省竹谿分路竄去卽趕抵

界嶺與

臣

公同籌商聞叅贊德楞泰現從竹谿

赴陝省洵陽一帶剿賊楚省僅有長齡明亮兩

路官兵現在房竹一帶堵剿今楚省竄來各匪

勾結湯劉等逆俱入楚境而龍紹周股內餘匪

亦由陝省邊界折竄楚省自應分兵出境趕緊

設法截剿

臣

現已飛催阿哈保永寧等速由三

岔河覓路向馬鬃嶺紅坪一帶探蹤兜擊並囑

七十五卽由蒲溪河關渡一帶覓道攔截但查  
川省止有臣與七十五兩路征兵現在阿哈保  
等所帶兵勇卽係臣原隊之兵如能剋期辦竣  
或將匪衆截回固爲甚善倘或該匪等竄入房  
竹若官兵全數追去川省兵備未免空虛且昨  
據廣元南江稟報均有由陝竄來剿散餘孽並  
聞由學勝股匪已由洋縣跣渡過江有入西鄉

之勢該處與川境處處毗連設或被其闖入亦

須兵力截剿臣與七十五再四熟商如果該匪

等深入房竹七十五一路官兵應卽跟蹤追擊

會同楚省官兵合力協剿彼時再將阿哈保永

寧等所帶之兵撤回界嶺仍歸臣原隊以憑隨

時察探川東川北兩路情形如楚省之賊經七

十五兜回川境臣現在邊界卽可收兩面夾擊

之效卽川北沿邊有警亦可督兵馳往剿捕川  
省兵力稍單臣自當設法籌辦至此次兩路打  
仗陣亡受傷及淹斃弁兵鄉勇另行查明咨部

奏入

上命軍機大臣傳諭勒保曰此次湯劉等逆在核桃  
園一帶與龍紹周股內餘匪合夥阿哈保等追至  
榔林店地方殲擒賊匪九百餘人並被水衝斃者

一千餘人又藍號王士萬李姓冉姓向茅壩奔竄  
經七十五殲擒賊匪二千餘人拏獲僞總兵艾廣  
雲等所辦可嘉阿哈保七十五均屬奮勉伊二人  
著交部議叙並賞給阿哈保七十五玉搬指大小  
荷包又發去搬指翎管各十件著賞給阿哈保七  
十五兩路出力人員其首先衝上山梁身帶石傷  
之兵丁楊應宗郭成文星才向貴彭貴等五名甚

屬奮勇著勒保遇有外委缺出先行援補此外如  
再有出力人員並著查明具奏現在川省賊匪俱  
已分竄他境勒保原可不必帶兵越境窮追自應  
將阿哈保所帶之兵撤回川省以備他賊勒保應  
卽在交界地方扼要駐紮將一切善後事宜及早  
籌辦爲要

同日吳熊光奏言伏查辦理糧餉原當立定章

程方能遵行無弊楚省軍需臣到襄後調查各

卷并留心詢訪由司庫撥銀解至襄局由襄局  
撥解鄖局所用銀兩又有從襄局徑發糧員及  
各州縣者有從鄖局分撥者其宜昌一帶則由  
司逕發餉銀交該道府支放辦理既不畫一而  
各該處距省遙遠理應於襄陽設一總理之員  
就近稽查凡糧員及各州縣每月領銀若干用



銀若干或按五日或按十日一報庶可以嚴出

納而杜弊混乃臣到襄陽向該局查詢祇有發

銀數目並無用銀之數以致糧員及各州縣得

以藉口餉銀不敷動輒請項而於兵勇應領之

項挂欠不發臣已飭司將襄局作爲省城分局

并調道員張道源赴襄總理除嗣後支用俱令

按期報明襄局外其從前未清各賬亦飭經手

各該員上緊造報以收核文其中有無侵冒自  
不難水落石出至截留漕糧係上年冬間及本

年正月內經前督臣書麟姜晟先後奏蒙

恩准亦應及早運至襄鄭一帶分撥各州縣以備支  
放軍餉之用臣到襄後查竹山一縣所存米石

獨多竹谿存貯米石寥寥隨向該道府查詢據  
稱米石解到時因賊匪正在竹山境內竄擾是

以俱留在竹山預備支放殊不思賊竄無常兵  
行靡定豈可專顧目前雖楚省軍務向來不能  
借用民力兼之鄖陽一帶築堡處甚少興山并  
無城垣難於存米與川陝情形畧有不同但所  
截米石既有五萬數千石之多如果趕緊分運  
於各寨洞預爲存貯并派道府分段稽查何至  
德楞泰帶兵入境糧運不能接濟且臨期陸運

更多勞費仍緩不濟急此倭什布及承辦各員  
辦理不善之咎已屬百喙難辭其是否侵冒分  
肥必得提齊各賬逐一核對方可得其底裡其  
倭什布所奏分撥糧運遇賊搶失一節臣到房  
縣後面詢之鄉勇首事張臻調據稱伊父貢生  
張泗泌實因委解兵米中途遇害似非捏飾計  
各該縣被搶之米共止五百餘石况果早爲籌

辦分貯各洞寨亦何至被賊搶失自不便以此  
遂寬其遲悞之咎容

臣

與全保詳細查明再行

分別奏參至姜晟在楚雖不及倭什布之久但  
既駐劄襄陽於支發米銀並不早立章程且所  
欠兵丁餉銀係書麟到楚後始行奏出是姜晟  
亦難辭咎至官兵搶掠糧食一節查德楞泰因  
百姓向其控訴始向孫清元查詢該鎮已自行

承認似卽係三四月間之事但掛欠兵餉又非  
始自今年亦容臣與全保再加確查具奏再臣

於十九日抵房據該令李維本稟稱十四五日  
有不知姓名一股殘匪竄至上龕之西馬鹿一

帶滋擾梗塞糧運臣因長齡明亮等大兵俱在

二竹轉在賊之西面當飛飭駐劄獅子崖之副

將朱士奉等加意巡防遏賊東竄之路適接探

報前竄該處賊匪因上龕附近一帶居民各自  
守禦無可擄掠已於十七日向西折竄往竹山  
之三里坡柳林等處並據朱士奉等稟稱擊獲  
賊探張開選等訊供此股係苟文明殘匪不滿  
千人現聞全保長齡已帶兵由房竹一路兜剿  
自無虞其東竄至楚省二竹房郎一帶雖邊境  
綿長山徑叢雜較之豫省盧浙防守稍難但查

新舊官兵及二韓練勇共下一萬三千餘名  
何以無所攔禦致賊來往自如臣悉心體訪緣  
防守之道與其俟賊入境之後繞道尾追疲我  
兵力不如於賊未至之先扼要迎截以逸待勞  
本年書麟等分爲五路以剿爲堵之奏雖亦一  
辦法但已讓險於賊未免自撤其藩籬况楚省  
兵力遠不如德楞泰所帶兵丁之勁健是旣不



能剿莫若專心於堵臣卽日趕赴獅子崖一帶

迎晤全保長齡面商一切再行奏

聞至二竹一帶糧運臣已嚴飭該府王正常親往催

趲似可無誤奏入

上命軍機大臣傳諭吳熙光曰辦理軍需本應設立  
總局於餉項支銷一切可以稽查今楚省分設多  
局或由司庫撥解襄局撥解鄖局又有從襄局鄖

局逕發糧員而宜昌一帶又有由司徑發者似此頭緒紛繁辦理安能盡一且祇有發銀數目並無用銀之數又於兵勇應領之項轉挂欠不發是所發銀兩究竟用於何處必係該糧員等意存朦混不將實用銀數開報爲侵冒地步至留楚糧米有五萬數千石之多應分撥州縣於各洞寨預爲存貯以備隨處支放何以竹山一縣所存獨多況果

早籌分貯亦不至被賊搶失卽彼時被搶之米共止五百餘石不及百分之一又何至糧運不能接濟此皆由倭什布辦理不善所致吳熊光旣已將大概情形據實查奏必當徹底根查究出確情俟倭什布到京向其訊問並將實在侵冒局員嚴辦一二人以昭炯戒至所奏竄近上龕之不知姓名一股訊卽係苟文明殘匪苟文明尙在陝境斷不

能由四川大寧闌入楚境本日據勒保奏到湯恩  
校劉朝選等逆與白號張姓及龍紹周股內餘匪  
向楚境向家壩蒲溪河兩路分竄經勒保派阿哈  
保永寧帶兵分投截殺向馬鬃嶺紅坪一路奔竄  
其藍號王士萬李姓冉姓等向陝境竄去經七十  
五帶兵追截殲擒二千餘人餘匪向黃柏壩一帶  
奔逸吳熊光所奏竄匪不滿千人自卽係湯劉等

殘敗餘匪逃逸入楚現據勒保奏稱商令阿哈保  
七十五兩路兜截如賊已入楚卽令七十五帶兵  
跟蹤追擊吳熊光正當知會全保長齡等由房竹  
一帶迎頭堵截與七十五兩路夾擊以期將敗殘  
餘匪速就殲除至知府王正常該督現已飭令催  
趙二竹一帶糧運朕聞其於辦理地方防禦事宜  
尙得民心著該督留心察看如該員於辦理糧運

果能得力卽毋庸撤回倘不甚相宜卽令其仍辦  
防堵以收駕輕就熟之效

欽定剿平三省邪匪方略正編卷二百六十

辛酉年

六月初八日

癸丑

額勒登保奏言竊

臣

昨於安康

之銀硃壩剿辦冉學勝股匪十七八等日雨勢

稍止河水漸退

臣

卽帶領官兵自磚坪趕過嵐

河由獅子壩一帶前進據楊遇春札克塔爾報

稱冉學勝股匪被剿窮蹙由平利關入竹谿地

界十一日竄至秦家坪經明亮等官兵在周家

灣截擊頗有擒斬該匪繞向紅崖寨逃遁仍欲  
束趨楊遇春等帶兵由青草坪一帶兜截十二  
日至縣河鋪正值大雨連綿十三日冒雨探剿  
於草鞋垭突遇賊匪官兵於泥淖中追殺十餘  
里殺賊七八十名生擒六十二名並殲斃賊目  
汪紹綱一名訊據獲犯供稱係冉學勝股內分  
出之數百人令探馬頭汪紹綱帶領由小路引



誘官兵追趕以便大夥乘空東竄當卽正法次日雨尙未止楊遇春仍帶兵偵探其逆夥衆截剿該匪不敢東去復折奔洵陽地界楊遇春等

亦轉回剿辦

臣

疊據該地方官稟報楚境折回

賊匪及各處竄匪多在洵白一帶楊遇春等旣將冉逆攔回未得入楚不拘何股總當由東向西一律兜剿遂一面飛飭楊遇春札克塔爾等

趕緊遵辦一面親率官兵馳抵平利之白土關  
以爲策應十九二十等日楊遇春札克塔爾由  
鶯嘴山大金河口前進探得高唐嶺劉家河一  
帶有大衆賊匪屯聚約有五六千人楊遇春等  
是日趕抵觀音堂相距高唐嶺尙有數十里天  
色已晚未便輕進遂令兵勇炊爨歇息先令叅  
將張瑗帶領守備余步雲等改裝潛赴附近高

唐嶺之太平寨察探賊蹤並密告寨民等大兵  
已到爾等毋得驚惶并可搜拏餘匪得黃楊遇  
春札克塔爾於二更後卽帶同馬步兵勇覓路  
進發天將黎明至劉家河口叅將張瑗等迎報  
賊匪似有知覺已將起竄楊遇春卽商定格布  
舍率領侍衛傅陞色玉慎噶拉噶達鼐定色鼐  
彥丕勒協領烏德等帶領馬隊官兵副將楊芳

率同遊擊朱槐等帶領步兵鄉勇合爲一隊由  
中路東溝進擊札克塔爾同桑吉斯塔爾帶領  
侍衛捫欽保特依順保總管都爾圖副將多隆  
武叅將張瑗遊擊司國屏等帶領馬隊及各兵  
勇由太平寨搶攻左手大山梁楊遇春帶領侍  
衛墨爾根額德勒奇善副將應元寬叅將張超  
遊擊唐文淑雅金泰及步隊兵勇由神仙洞抄

進三路並擊又令總兵張鳳帶同副將王福酌帶兵丁視何處緊要卽向何處接應各該匪見有兵到蜂擁撲來我軍均各奮勇向前賊匪抗拒良久死傷紛紛力不能支官兵併力衝殺賊匪各不相顧分爲數路奔逃我兵亦分數路追殺應元寬唐文淑等帶兵由松樹溝金嶺子五條嶺等處追殺竄散賊匪五百餘人斬獲淨盡

格布舍楊芳等帶兵追殺騎馬及步行賊匪由  
雙寶寨天池垭至黑虎廟斬獲六百餘人僅剩  
數十人奔良家河深林而去遊擊吳廷剛都司  
劉元明柯春鰲帶領鄉勇由陳家河趕過皮家  
河斬獲賊匪四百餘人剩有殘匪四五百人向  
倉上遁去遊擊李果宣率同守備余步雲萬彪  
帶領兵勇趕出河溝亦斬獲賊匪三百餘人剩

有殘匪數百人沿河竄去楊遇春帶領兵勇由中路策應沿途搜捕斬戮賊匪三百餘人日暮趕抵方山梁副將應元寬等先後歸營惟札克塔爾一路官兵由武王廟大中溪追趕一股馬步賊匪一千數百人未到探知已經翻越數重大山前去次早札克塔爾前來會合沿途斬殺四百餘人現獲五百餘人滾崖跌斃者甚多賊

匪約剩有數百人亦零星四散此次兵勇打仗  
殺賊實屬八人爭先各寨洞居民見我軍大勝  
均施放鎗礮滾擲木石傷斃賊匪百餘名擒獲  
數十名獲賊騾馬食物無不歡欣鼓舞統計此  
次各官弁兵勇殺賊二千餘名生擒男婦一千  
二百五十九名口臨陣時並有棄械投出之被  
脅民人康王貴等二百三十七名獲騾馬七百



餘匹刀矛旗幟烏鎗二千二百餘件當將獲犯  
嚴加鞫訊據供我等係五股合夥一股係張添  
倫約有二千七八百人一股係楊開甲餘黨共  
有千數人一股係姚之富之子姚馨佐有一千  
五六百人一股係曾芝秀有五百餘人曾芝秀  
前被官兵衝殺不知下落現係頭目李姓帶領  
一股係冉家營被官兵打散矛手二百餘人均

於洵陽地界先後合夥冉學勝未在其內並於  
獲犯內又訊出楊開甲餘黨內新立元帥陳輜  
俸一名曾芝秀股內副帥張善陳近仕二名及  
各股內探馬頭旗手先鋒等十九人陝楚老教  
戩手並從賊日久之馮大林等四百五十一人  
均卽分別正法其餘陳耀南等八百餘人訊皆  
被擄日淺當與臨陣投出之難民現在分別賞

給銀米釋放歸籍探得剿敗各股匪均竄至倉  
上龍王溝一帶陸續合夥所剩不過二千餘人  
驟馬二三百匹冉學勝尙未得實在蹤跡亦仍  
在左近山內躲避楊遇春札克塔爾卽乘勝進  
剿並知會楚界防堵官兵探蹤截擊至徐添德  
樊人傑股匪經德楞額泰慶成於西鄉一帶截剿  
該匪益形殘敗徐添德樊人傑之妻均經擒獲

該匪又竄入紫陽汪啓胡定泰前後帶兵截擊  
殲擒數十人該匪竄至黃瓜溪於新灘子過仁  
河中流淹斃數十人餘匪五六百人零星分竄  
德楞泰督同賽冲阿等緊躡趕剿慶成卽在紫  
陽一帶搜捕藏匿殘匪臣現在白土關董家梁  
一帶正在東面偵探確蹤如該匪迫而南趨川  
境德楞泰自必率師窮追入川倘該匪竟向東

來臣更可迎頭夾擊再穆克登布豐紳等剿辦  
伍懷志股匪由棧西折竄棧東其意仍欲竄入  
南山穆克登布等躡蹤截擊初八日於狐狸溝  
斬獲百餘人十三日於火地南溝口殺賊百餘  
人生擒數十名南山一帶寨堡尙屬嚴密並經  
遊擊薛國相李英多通判維昂各帶兵勇截剿  
該匪竄入孝義西川一帶穆克登布冒雨追剿

泥深路滑跌閃右腿幸不甚重仍率師由金雞  
河甘家壩江口小川追至孝義又於小東溝殺  
賊數十名生擒四十二名該匪所剩不過五六  
百人現聞已竄往鎮安一帶穆克登布豐紳等  
已由舊縣關採玉窰一帶追剿臣查得該處地  
勢較之南山兵力可以施展已嚴飭該鎮務須  
剋日趕辦完竣此外漢江北岸前據安康縣具

報尙有徐逆分股零匪四五百人在該縣之老

樹嘴一帶竄擾

臣

昨抵白土關正在籌撥官兵

前往剿辦接據署陝安鎮叅將百祥洵陽縣知

縣嚴如煜稟報該匪等連日由安康竄至洵陽

經藍灘福凝等寨士庶帶領鄉民於各要隘截

殺日有斬獲該匪於荒山僻壤晝伏夜行十七

日夜間突至蜀河口搶得客民船隻過江該令

聞信卽撥壯丁趕往賊正半渡卽協同卡勇周  
文珍等截擊賊匪驚惶翻船七隻淹斃賊匪二  
百餘人騾馬三十四匹維時仙河寨首向先魁  
又帶領壯勇前來接應搶獲騾馬等件過江南  
岸之賊僅有二三百人臣隨酌賞銀牌銀兩以  
示獎勵查此股賊匪現據楊遇春具報已與各  
股賊匪竄合一處至慶博喜明等近於平利會



家壩剿辦龍紹周股匪該匪於太平河白果坪等處山林竄匿據擊獲賊匪供稱近有由化龍山竄來李彬等一股二三千人龍紹周已與之合夥此時人數衆多欲由八卦廟開羊坪竄往

楚北

臣

已飭派喜明馬玉魁柯藩等帶領兵勇

先於八卦廟一帶扼住要路

臣

督飭楊遇春等

先將洵白之賊辦竣卽相機剿辦此股日內德

楞秦一路官兵如將徐樊股匪掃除必就近前來合剿穆克登布將伍逆蕩平江北別無賊匪亦帶兵過江由興安而來勝師雲集可以次第得平刻下天氣暑熱大雨時行官兵等兼程奔馳洵屬倍常勞苦而各官弁兵勇等節次仰邀恩資無不感激奮興此次雖將賊衆痛加殲擒而首逆尙未就獲官兵等更無不亟圖立功

臣現又

飭知提鎮將領再將兵勇妥爲鼓勵以期迅速  
成功

額勒登保又奏言查總兵蕭福祿人本勇往惟

氣質粗率前此臣督師入甘節次面加訓誡該

鎮遇事稍知詳慎昨令帶領兵勇入川追剿高

見奇股匪臣又經札飭該鎮務須權其緩急輕

重不得稍有廢疎現據長麟來信該鎮已帶領

官兵四千名前進查所剿賊匪究屬無多并有  
將備隨同前進臣再行隨時指示尙可放心至

慶溥喜明馬玉魁柯藩於平利安康一帶截剿

賊匪原係各帶兵勇或分或合併力協剿臣留

心察訪誠有各不相下之見查馬玉魁本係帶

領廣東官兵惟素諳水師於陸路山勢不甚熟

悉柯藩不係接管溫承惠所帶鄉勇但究經革

職呼應不靈此內喜明隨臣日久身親行陣於

地勢賊情尙多熟悉今臣已將慶溥調回將伊

等所帶兵勇五千餘名令喜明馬玉魁柯藩三

人管帶並責成喜明爲之統率一切和衷商辦

不得稍有觀望再長麟一路兵勇臣昨本奏明

派令慶成前往接管茲接德楞泰來信以西鄉

紫陽一帶尙有餘匪未靖現留慶成與胡定泰

在彼督率搜捕臣查西紫一帶緊接川境山勢

亦極紛錯賊匪易於出沒慶成於該處極爲熟悉難  
以遽離現帶進剿馬步兵勇四千餘名臣

近又添派新授宣化鎮總兵富蘭前往協同堵剿但自寧汙以至西鄉全令慶成管轄亦覺鞭長莫及所有寧汙南鄭邊界之花石梁黃官嶺銅廠鐵鎖關等處皆係川陝甘三省要隘道路

綿長從前原係觀祥統帶今請休致僅有已革  
總兵德忠同副叅遊等官十數人帶兵勇六千  
餘名防堵不足深恃臣卽令慶溥前往帶領率  
同德忠及該處兵勇在彼防堵並截剿廣南一  
帶往來竄匪再西鄉以南山勢遼濶其鍾家溝  
防兵一千七八百名係總兵九十管領該處爲  
川陝接壤又王黑壩現設兵勇三千有餘係總

兵胡定泰帶領該處更屬四達之區皆係要隘如附近有賊均應帶兵趕往截剿現在各股剿散賊匪或三二百人或數十人晝伏夜出隨處逃遁經各卡截擊並盤獲者不少此時應仍前安設以緝零匪而安民心至江岸防兵自茶鎮上游至城固一帶水勢平淺隨處皆可跋涉原設之兵前已撤赴川陝邊界其自西鄉之茶鎮



至紫陽下游一帶水勢雖深乃係緊要渡口不  
得不設兵堵截且茶鎮以至紅崖子石泉江岸  
止二百五十餘里係革職總兵關騰遊擊王琯  
共帶兵勇一千七八百名石泉以下至柳溪漢  
陽坪喚姑灘二百餘里係總兵永明帶兵二千  
餘名防堵又紫陽上下江岸二百餘里則汪啓  
與協領德勒格爾帶滿漢兵雖有三千之數尙

有南岸之瓦房店等處分設防剿此次各股零  
匪有被剿竄近者有賊探至彼窺伺者屢經該  
鎮將截擊搜捕急切亦難撤動刻下賊勢日見  
敗殘但能處處得手則兵力亦漸可歸併合力  
掃蕩臣惟有隨時酌量辦理斷不敢稍事拘泥

同日德楞泰奏言竊臣前因趕剿徐樊二逆股

匪恐首逆等混入分竄當經酌令慶成督同總

兵胡定泰等帶兵在西鄉石泉一帶鼓勵洞寨  
民苗嚴密搜捕其合夥賊股不過六七百人向  
紫陽東竄已經賽冲阿溫春色爾滾蒲尙佐侍  
衛富僧德蘇爾伸協領富登阿穆騰額副將李  
應貴等帶兵緊蹙前進臣亦卽督率馬瑜侍衛  
達勒精阿慶昌協領明德蘇爾芳阿副將達自  
祥叅將馬應國等帶馬步兵勇取道捷徑由上

七里梨樹坵北邊途次接據賽冲阿溫春等稟  
報帶兵由蕭家壩一路趕剿賊股日行百五六  
十里沿途擒斬日或四五十七八十名不等又  
經各洞寨截殺賊匪約只剩三百餘人由芭蕉  
口前竄十八日早追至仁河新灘地方賊匪先  
於十七日搶船渡河者百餘人尙有未過河者  
百餘名一見官兵卽翻山奔逃當經兵勇趕剿

除滾巖跌死外其餘全數擒殺獲犯趙玉等二十一  
十一名據稱徐添德等原想走瓦房店被官兵  
殺回纔到仁河新灘想要淌過河去竄入老山  
不想雨大水漲覓得小船一隻先過兩船共有  
四五十人第三次人多徐添德亦已上船到灘  
口溜上船覆全行淹死今早又覓一小船纔渡  
過兩次官兵趕來等供現已一面渡河趕剿餘

匪務期淨盡一面派員將獲犯押解來營查詢

臣

於二十一日抵瓦房店又據總兵汪啓面稟

十七日探得有賊約三百餘人由紅椿嶺向瓦房店一路而來當卽帶兵迎截賊匪見兵卽逃追趕二十餘里殺賊二十三名拏獲獍士進等七名賊卽竄往仁河十九日有太平縣客民朱復興來場亦稱十七日在泥溪搭船行至新灘

正遇賊來過河我就泊船在石巖下衆人上坡  
到樹林內躲藏距賊過船地方甚近眼見渡過  
兩船每船約計有四五十人第三次上船人多  
開到溜上浪高水急撓推不動溜下灘口船翻  
人都衝去等語臣復親加面詢所供情節前後  
無異旋於二十三日又據賽沖阿等將過河後  
追剿至高橋雙和塘一帶獲犯李義明等十二

名押解到營臣復逐一詰訊據李義明胡奇等

供稱哥號徐添德徐添壽原與樊人傑在湖北地方合夥本月十三日在西鄉毗河舖老林又被官兵衝作兩股徐添壽就與樊人傑同走一路徐添德帶矛手連夜由小路逃走又被官兵追剿各處寨洞截殺十六日晚到馬鞍溝又被寨上截殺十七日要走瓦房店有官兵殺來午



後纔逃到仁河新灘要過河進山去搶得一隻  
小船叫總兵王青先帶四五十矛手過去第二  
次是探馬頭劉學書楊萬帶四五十人過去第  
三次王青隔岸叫徐添德先過開到灘上浪裡  
船被浪翻人都衝下灘去後來又找一隻小船  
天已黑暗雨勢越大不敢過去十八日早纔過  
兩船大衆說徐添德已死就令劉學書管事後

來官兵又追過河來我們躲在箐林裡被搜拏  
來等語所訊前後各犯僉供確鑿

臣

查東鼠賊

股原不過六七百人經賽沖阿溫春等沿途每  
日追斬及洞寨截殺並逃散外未過河時只二  
百餘人又除剿殺淹斃外已過河者不過百數  
十人復被賽沖阿溫春等搜捕現在深山老林  
之中四散奔逃者不過百人查徐添德爲川省

起事首逆歷年流毒數省竄楚以後衰脅七八  
千之衆各股中實爲兇悍最著之賊茲仰仗

皇上天威已伏冥誅足見罪惡貫盈已爲天理所不

容本應打撈屍軀剝骨揚灰以快人心緣連旬

陰雨溪流高漲二三丈無從下手其山內四散

餘賊不過苟延殘喘現在趕緊窮搜以期淨盡

惟聞川省大寧一帶賊股較多疊經勒保七十

五阿哈保等分路剿辦已距陝楚連界不遠其  
高二餘匪竄入廣元一帶因川北無兵經經畧  
額勒登保札飭總兵蕭福祿跟追而來樊人傑  
餘匪近據獲犯供出徐添壽被剿衝斷亦已依  
附其中是卽在後路之百餘名數十名散匪之  
內臣前已奏明交慶成等就近帶兵搜捕並鼓  
勵寨洞民苗協力擒拏自可得力再江北餘匪

四五百人於十八日已偷渡南岸現在洵陽一帶游奕頃又接額勒登保來信以龍逆現由八道河已入平利苟逆現由滔河竄至四季河王帽賢戴家營曾芝秀等股現在洵陽竹山界上孫清元跟剿之黃白兩號賊匪亦由竹山西奔冉學勝賊匪有入白土關之勢如<sub>臣</sub>日內尙未將徐逆賊股辦竣或已竄川卽當跟躡洗盡如

已辦竣卽帶兵徑赴平利詳晰會商再爲酌量  
輕重緩急辦理

臣

查各股賊匪現在俱屯於三

省接壤之間正應聚而殲旃況徐逆已除餘匪  
百餘人由日連橋馬紫嶺一帶零散南竄賽冲  
阿溫春等連日緊躡又搜殺賊匪三十餘人所  
利無幾若大兵深入徒受跋涉之苦勢必久稽  
時日且近來陝省寨洞人心踴躍每遇賊過切

能設法截殺臣俱已隨時面加獎賞宣示

賞格無不歡欣鼓舞臣現距平利較近所有落後兵

勇並鍋帳等項業已到齊卽於二十六日帶兵

由紫陽取道平利白土關徑赴額勒登保處會

商妥爲籌計或併力先清陝楚邊界或由楚省

回川剿辦大寧賊股總期同心協力迅圖集事

再徐逆之妻徐李氏樊逆之妻樊張氏本應緣

坐之犯茲查該氏等俱習靈文傳教並占課觀  
星等事賊營稱爲二掌櫃實爲妖言惑衆而在  
賊營殺害難民不少未便寬縱卽與現獲之李  
義明胡音趙玉等犯一併正法

德楞泰又奏言

臣欽奉

上諭徐樊二逆竄近漢江北岸時該處豈無大員在

彼帶兵防堵何以任其踴淺渡江令

臣

查明叅奏



等因

臣

查漢江自紫陽迤西爲江之上游水淺

灘多原派額勒亨額帶兵分段防守自紫陽迤

東爲江之下流水勢漸大間有淺灘處所向未

設有防兵均係地方官派令團勇沿江安卡防

範如遇有賊竄近隨時趕撤船隻前經額勒登

保查明具奏在案茲查

臣

前由楚趕剿徐樊王

陳曾各股賊匪自蔣家梁等處痛剿後各逆分

股向洵陽下流之峪河口高壁洋奔竄冀圖搶  
渡其峪河口之賊被我兵截回向大小神河前

逃

臣

卽飛飭慶溥喜明馬玉魁帶兵迎截大棕

溪亦有賊匪窺伺經該縣嚴如煜親帶鄉勇者

截殺賊十數名賊卽翻山逃去旋經飭令各寨

勇搜獲首逆陳朝觀陳朝榮李順安等賊匪

臣

當亦查明洵陽之高壁洋江岸係屬迤東相距

慶溥額勒亨額喜明馬玉魁軍營實遠向未設  
有防兵賊衆勇單勢難堵禦且該縣亦親帶鄉  
勇在大棕溪堵截殺賊尙非玩視不力者可比  
臣帶兵追來亦係跣淺過渡因彼時亢旱江水  
苦涸跣淺處所甚多是以未經叅奏均奏入

上命軍機大臣傳諭額勒登保曰據稱陝省各股竄  
匪在高唐嶺劉家河一帶屯聚經額勒登保派令

楊遇春札克塔爾等督兵冒雨剿捕併力衝殺先後共殺賊二千餘名生擒一千二百餘名所辦甚好額勒登保楊遇春札克塔爾均著交部議敘並賞給額勒登保玉大吉牌玉搬指大小荷包賞楊遇春札克塔爾玉搬指大小荷包並發去玉搬指順袋火鐮包各十件分賞出力人員以示獎勵所有此次打仗員弁著額勒登保詳細查明保奏再

行降旨加恩本日據德楞泰奏追剿青號賊匪  
斃首逆徐添德大獲勝仗現已趕赴平利搜捕餘  
匪並欲赴額勒登保一路會商務當悉心籌畫將  
各股賊匪一律辦竣勿少遲延至穆克登布所剿  
伍懷志股匪前已稱不過六七百人此次殲擒三  
四百人而所剩尚有五六百人何以斬獲既多賊  
數仍有增無減究恐稟報不確其跌傷右腿之處

是否屬實現已愈否領勒登保務須嚴飭穆克登  
布上緊辦竣伍懷志股匪將所帶兵力騰出剿辦  
他股更可得力又據奏酌籌堵剿事宜自應如此  
辦理刻下賊勢日見窮蹙各路兵力如能歸併一  
處勝師雲集剿辦尤易得手佇盼厥功捷音速至  
上命軍機大臣傳諭德楞泰曰此次賽沖阿溫春等  
帶兵由蕭家壩一路趕剿賊股沿途多有擒斬據

獲犯供稱徐添德之弟徐添壽與樊人傑同走二路徐添德帶領夥匪竄至仁河新灘搶船渡河被水衝斃餘匪不過百人在老林散逃等語徐添德爲川省起事首逆流毒數省實爲賊股中兇悍最著之犯今惡貫滿盈

天奪其魄渡水淹沒雖未明正刑誅但巨憝已除蕝功諒必不遠德楞泰督率賽冲阿溫春等奮力追剿

窮賊所向實屬可嘉德楞泰賽沖阿溫春均著交  
部從優議敘並賞給德楞泰玉大吉牌玉搬指大  
小荷包賞給賽沖阿玉搬指大小荷包又發去搬  
指翎管各十件分賞出力員弁以示鼓勵並著德  
楞泰將此次打仗奮勉各員詳細查明具奏候朕  
再降恩旨惟徐添壽樊人傑二犯既稱卽在後路  
聚匪百餘人之內應卽令慶成統近剿除至德楞



秦現帶兵由紫陽取道平利赴額勒登保處會商  
籌計或先清陝楚邊界或由楚省回川剿辦總在  
伊二人相度機宜朕亦不爲遙制惟當同心併力  
趁此兵盛賊衰之際務於七月內將各股殘敗餘  
匪一律掃除迅奏膚功

初十日

乙卯

勒保奏言竊

臣

在川陝楚三省毗連

之界嶺駐劄所有阿哈保永寧等在柳林店擊

敗之賊尙未知賊首姓名嗣據阿哈保永寧等  
將生擒男婦四百六十七名口派兵押解前來

臣分派隨營各員逐加查訊據供此股係龍紹

周餘黨唐明萬李顯必二人爲首自經德楞泰  
擊散後李顯必卽遁入陝省沿邊老林唐明萬  
與辛聰合夥逃至馬家營與湯思蛟劉朝選等  
歸併一處後因川省官兵剿辦甚急唐明萬逃

到平利縣地方與李顯必會合由沿邊至湖北  
竹谿縣核桃園屯紮隨後湯思蛟劉朝選等亦  
逃至核桃園聽得官兵追剿仍分路逃竄唐明  
萬李顯必等一股逃至柳林店三岔河地方又  
被官兵趕上打敗等語並於獲犯內訊出僞先  
鋒文連探馬頭廖明志旗手賀占春馬魁四犯  
當將該犯等並訊出之戰手及從賊日久之李

一峯等一併正法其餘被擄未久之難民劉朝陽周童氏等二百二名口解交大寧縣分別遞籍安插

臣

計此股餘匪已自紅坪一路竄去距

阿哈保永寧等官兵不遠當卽飛札飭令趕緊兜剿去後阿哈保永寧等在三岔河地方乘溪水稍退卽督兵淌渡過河因溪流緊急衝斃兵勇二十餘人阿哈保等率同大隊向紅坪一路

緊追至竹山縣屬梨子坪探得該匪在前面山  
梁紮住阿哈保永寧恐該匪知有追兵又復奔  
入楚境遂將所帶兵將分作兩隊阿哈保從左  
邊山後取道永寧從右邊山後取道均各繞出  
賊前兩路官兵會合搶上山梁賊匪見前路有  
兵卽折向張公橋大禾田竄回川境我兵緊躡  
追擊<sub>臣</sub>二十日在界嶺聞信亦卽趕至後坪阿

哈保永寧之兵亦到隨於二十一日冒雨追至  
店子河地方望見賊匪約有數百人此處前臨  
東溪河因連日大雨山水漲發溪流洶湧該匪  
卽捨命回身抗拒

臣

督同官兵三面兜剿當有

逃出難民數十人匪衆見勢不敵間有棄械奔  
逃卽經兵勇分投擒獲時賊隊中有騎馬賊一  
人猶指揮賊衆喊令奪路逃走當有順慶營守

兵劉大順用矛戳傷該匪腰眼滾跌下馬捨命  
跳河旋有兵丁楊占鳳王思明二人見該匪落  
河亦爭先跳水以冀生擒已將該匪衣襟拽住  
詎溪流駛激不能攔岸遂一併漂沒餘匪見賊  
首已斃紛紛亂竄我兵分投擒殺斃賊五六十  
名生擒一百二十一名奪獲刀矛三百餘件賊  
旗八桿騾馬四十二頭匹餘匪俱撲河淹斃當

將生擒之賊查訊據供被殲賊首係李顯必前  
日與唐明萬在柳林店三岔河經官兵剿敗只  
剩一千四五百人要向湖北掠食在梨子坪又  
遇官兵攔住是以回竄川境要由徐家壩二郎  
壩一帶逃奔老林躲避唐明萬帶領七八百人  
在前先行李顯必帶領六七百人守後因有官  
兵由後坪緊追前來李顯必不能往徐家壩一



路卽向店子河奔竄不料河水阻住被官兵殺  
淨等語內秦登元等四十五名訊屬戰手概行  
正法其餘俱係附近被脅難民當卽釋放現在  
唐明萬一股探聞已竄至鐵瓦寺一帶臣本應  
立卽督兵緊躡無如中隔東溪河一道連日河  
水陡漲數丈直至二十五日雨尙未止波洑迅  
急人馬斷難過渡臣與阿哈保永寧等帶兵暫

在此條嶺駐劄一俟河水漸退可以紮筏過渡  
卽當趕緊剿捕以期肅清川東其川北一路現  
據稟報有高二餘匪經陝省官兵追逼入川在  
廣元蒼溪境內游奕而通南一帶亦有由陝竄  
來零星餘逆沿邊出沒臣飛飭許文謨張志林  
等嚴防江岸並飭道員劉清督同地方官策勵  
鄉團各勇嚴密坊堵相機截擊毋令闖入腹地

臣  
趕緊將川東賊匪殲除後卽騰出兵力馳往  
川北剿辦此次打仗兵勇並無陣亡受傷之人  
惟兵丁楊占鳳王思明因跳水擒賊致被漂沒  
又前次核桃園及三岔河等處淌渡被水衝斃  
弁兵鄉勇俱係勇往爭先情殊可憫請

旨勅部均照陣亡例賜卹以昭激勸奏入

上命軍機大臣傳諭勒保曰據奏阿哈保一路官兵

在楚省兜剿黃號賊匪回川殲擒二百五六十名  
其所斃李顯必一犯亦非緊要賊首此等奏報用  
六百里馳遞已屬過當今勒保輒加緊拜發甚屬  
無謂現在唐明萬一股已竄至鐵瓦寺一帶勒保  
卽當紮筏過渡探明蹤跡與阿哈保永寧等趕緊  
剿捕迅速殲除以便騰出兵力前往川北剿辦高  
見奇一股若川境全行肅清崇自當酌量加恩該

督惟應倍加愧奮認真剿辦至此次扎傷李顯必  
之順慶營守兵劉大順著卹恩以外委卽行援補  
其淹斃兵勇俱著照陣亡例賜卹

同日吳熊光全保長齡明亮奏言 臣等接據副

將樊雄楚稟報川匪又擾近上龕青峯溝一帶

股數不一分合無時勢欲北走房縣大道適 臣

全保長齡先帶領馬隊自竹山倍道前抵獅子

崖與

臣

吳熊光會晤公同籌商現在川匪既近

房城迤西則三教堂大木廠通鄖均地界向爲  
賊匪窺伺江岸路徑必須分兵扼要顧住又准  
四川提臣七十五知會內稱賊匪係湯劉等逆  
並黃白號各股俱欲遁入楚境已帶兵趕赴楚  
省協剿二十二三等日因大雨如注溪河陡漲  
孫清元帶領步兵爲水阻隔不能卽時到來

臣

等一面飛飭趕搭浮橋俾兵過渡臣長齡卽領

現到馬步官兵山上達河趕赴上龕進剿臣吳

熊光全保卽率副將朱士奉叅將姚國棟在獅

子崖一帶駐劄緊顧縣城並就近督催糧運該

逆等志在北竄其大隊由青峯溝迎撲前來臣

長齡督令樊雄楚遊擊楊超鎮都司鄧廷桂守

備劉遇盛周長泰等帶兵分佔三面山梁兜擊

立斃馬步賊匪一百餘人賊始敗退仍繞北向沙包子行走適臣吳熊光全保派往策應之朱

士奉等帶兵趕到迎頭下壓兩路官兵乘勝合擊復斃賊匪百餘獲有賊旗九面刀矛六十餘件匪衆方走山南老林遁去守備方化龍把總趙陞雷將鳴身受鎗矛等傷俱重是晚三鼓賊匪復糾衆攻撲樊雄楚營盤經兵擊退二十四



日探知後股川匪續至約有數千人馬賊有一

千餘人併有東趨栢木壽陽之勢

臣

長齡當率

樊雄楚朱士奉等隨剿隨進直至范家壩地方

復斃賊匪百十人生擒廖添雲秦景春等十一

名訊據供稱各股賊匪是荷文明並羅半年餘

黨內有湯劉二元帥唐張黃王四總兵頭起子

子手只有二千餘人又有黃白二號亦跟隨在

後人數更多因四川擴不出糧食後面官兵追殺又緊逃至楚省山內乏食想北走城市地方又被官兵攔住今早商定先後分投行走往柘木壽陽東去等供該犯等俱日久從賊打仗當卽正法查柘木壽陽雖通保康南漳興山然尙在南面大山林深箐密中無可藉掠惟迤東可達遠安東湖若折出保康北面則仍係均穀平

坦地方

臣

等公同熟商知七十五帶領兵勇六

千餘名已由竹谿追剿前來若大兵再由上龕

追擊是轉迫賊匪東去是以

臣

長齡督率總兵

孫清元副將吉林泰等由保康大道抄赴東路

迎頭截剿

臣

吳熊光全保督令副將樊雄楚朱

士奉等在獅子崖等處北面扼要堵截以防賊

人指東向北詭計總用兩路官兵自東北向西

南過擊正可與七十五追兵三面兜逼

臣明亮

所剿北面餘匪總在楚省交界往來游奕官兵  
由馬鞍橋緊進偵探該匪復招集界外散匪數  
百人在構皮壩屯聚當卽拔營走唐家坪大陽  
坡一帶前進賊匪遙望官兵卽捨命狂奔當卽  
督率鎮臣德昌侍衛富翰恒崑等帶領官兵殲  
斃馬步賊匪多名自壩口追至葛藤壩一帶復

殲賊甚衆並生擒李魁劉王氏等六十一名奪  
獲騾馬器械旗幟無算餘匪翻過界嶺向陝省  
白河屬之大坪店子溝一帶遁逃當訊獲犯李  
魁等供稱冉學勝出境後意欲仍折回楚境乘  
空過黃龍灘覓淺蹕渡直下均穀荆襄不料遇  
見官兵當將該犯與矛手賈有才等二十二  
人一併正法其餘張德劉王氏等訊係被捕未久

交寨民保釋仍分派官兵搜剿餘匪務令淨盡

並嚴防洵白一帶邊境如遇有賊股闌近當與

經畧額勒登保提臣楊遇春等兩面夾剿臣等

察看現在楚省大局東南賊股較多山徑處處

可通重於西北然臣明亮一路兵力又未便撤

歸一處惟有各就賊勢分別兜剿速冀肅清

吳熊光全保又奏言此次剿辦教匪惟馬兵最

爲得力然爲時既久山程險阻輾轉兜剿馬匹  
疲乏殘廢甚多若徒步遄行不足展其所長楚  
省現有東三省馬隊一千名步行者竟有十之  
四五又准叅贊德楞泰咨調楚省馬兵三百名  
亦須將有馬官兵撥去是楚省僅存馬隊十之  
二三目下南北兩路尙有賊匪在邊境滋擾不  
敷分剿

臣

吳熊光在豫時查駐防滿營戰馬暨

軍需馬匹均從口外採買較爲壯健計此時豫  
省預備軍需馬匹內尙可得一百五十匹滿營  
戰馬可得二百匹又接河南撫臣顏檢來信所  
有採買健騾一百五十頭將次齊全通計可調  
騾馬五百頭匹東三省馬兵若得此項騾馬前  
來撥給則強兵益以壯騎趁此賊勢敗殘諒可  
易於蕲事仰懇



皇上勅令顏檢照數撥給來楚俾資馳射實於剿辦  
情形大有裨益均奏入

上命軍機大臣傳諭吳熊光全保長齡曰吳熊光等  
分投截剿湯劉等股賊匪先後斬獲三百餘名截  
其北竄之路並恐賊匪折出均穀地方復自東北  
向西南過擊所辦甚是現在七十五帶領兵勇六  
千餘名由竹谿追剿是川省已無賊匪而陝省昨

據額勒登保奏到大獲勝仗德楞泰亦同日奏報  
徐添德業經淹斃餘匪僅止百餘人卽可殲除此  
時吳熊光等若能乘勝將湯劉及苟文明等逆卽  
在楚省殲淨固屬甚善否則總當由東北逼向西  
南以便經畧叅贊迎頭截擊至另奏接准德楞泰  
咨調楚省馬兵三百名赴陝省協剿現在德楞泰  
一路剿辦陝省竄匪將次竣事自無須楚省馬兵

協剿此項馬隊如尙未赴陝吳熊光等不妨咨明  
德楞泰仍留楚省以資堵剿之用至所稱豫省可  
調騾馬五百頭匹懇令顏檢照數撥給來楚等語  
已降旨諭令顏檢作速派員如數解楚至明亮前  
已有旨令其來京其陝楚交界游奕賊匪無多吳  
熊光卽遵照前旨酌派鎮將大員接管明亮之兵  
在彼實力堵剿其打仗受傷之守備方化龍把總

趙陞雷將鳴現在是否痊愈並著遇便覆奏

上又命軍機大臣傳諭顏檢曰吳熊光等奏稱豫省現有可調軍需馬一百五十匹滿營戰馬二百匹健騾一百五十頭此時楚省正當剿捕得力之際所需官兵乘騎馬匹最爲緊要著卽將此項騾馬照數派委妥幹員弁迅速解往以資剿辦